

pietatis adjumenta petuntur a rebus gestis , & in Officio illius festi narrantur , non æque sunt certa ; sed iis tamen objectum verum , ac proprium celebritatis non constituitur .

De Conceptione Joannis Baptista quæ sunt objecta ex Natali Alexandro , nihil me movent . Nec enim in festis diebus solus titulus debet attendi ; sed quid illorum Officia continent ; inquirendum . Baptista , ut a Græcis recolitur , Conceptionis memoria eum titulum habet ; sed ex Officio perspicuum est , apparitionem Angeli ad Zachariam , ejusque magna promissa de futura Baptista Conceptione , sanctitate , ortu , factisque mirandis sub eo nomine celebrari . Porro hæc apparitio tum ipsa per se , tum propter illa promissa & sancta fuit , & digna cum primis Ecclesiæ cultu . Ad eum modum Martyrologia Latina Conceptionem habere potuerunt tituli loco , quamvis elogium , quod titulo adjungitur , explicaret apparitionem . Quod si etiam Baptista Conceptionem , quæ Angelicum nuntium est consecuta , quedam Ecclesia celebraverunt ; erat etiam in illa , quod jure sanctum haberi posset ; nempe Dei beneficium , qui prætergressus natura leges id fecerit , ut a sterili femina semen viri conciperetur ætate devexa . Sed in Deiparæ Conceptione quod collimus , non est ejusmodi beneficium . Majus est , ac longe præstantius beneficium , quod Ecclesia jubente celebramus , hoc est animæ puritatem ab originis labe , cum in corpus includeretur . Hæc docente Alexandro sola res est ad cultum proposita : hanc jussu Clementis non aliqua Ecclesia singularis , sed omnis populus Christianus ritu solemnii veneratur . Ex quibus efficitur , quamquam Mysterium Conceptionis innoxia non sit hæc tenus definitum , tamen ex festi celebritate , cuius objectum notatum est , veritatem Mysterii demonstrari .

XXV. *Cardinalis Gorti in suo opere Italico , cui titulus , La vera Chiesa , ut Picinianum in sua audacia confundat , utilitur responsione Cardinalis Bellarmini , & advertit pro confirmatione , quod Clemens XI. in Bulla , qua sanxit festum Con-*
septio-